

Administrazio Publikoetako hizkuntza-eskakizunen egiaztatze-maila. EAE

Definizioa

86/1997 Dekretuaren eraginpean dauden erakunde publikoetako lagileak jaso dira adierazle honetan, eta betetzen duten lanpostuak duen hizkuntza-eskakizunaren egiaztatze-mailaren arabera sailkatu.

Langileak sailkatzeko orduan, ez da kontuan hartu betetzen duten lanpostuak derrigortasun-data duen ala ez, ezta lanpostuaren titularrak diren ala ez.

Hedadura

Euskadiko Autonomia Erkidegoa (EAE)

Aldagaiak eta kategoriak

- **Euskara maila:**
 - **B1:** 1. hizkuntza-eskakizuna (1HE)
 - **B2:** 2. hizkuntza-eskakizuna (2HE)
 - **C1:** 3. hizkuntza-eskakizuna (3HE)
 - **C2:** 4. hizkuntza-eskakizuna (4HE)
- **Lanpostuak eta langileen egiaztatzea:**
 - Hutsik/informaziorik ez
 - Egiaztatuta
 - Baxuagoa egiaztatuta
 - Ezer egiaztatu gabe
 - Salbuetsita

Azpi-adierazleak (gurutzaketak)

Administrazio Publikoetako langileak, betetzen duten lanpostuari ezarritako hizkuntza-eskakizunaren egiaztatze-mailaren eta erakundearen arabera. EAE

Iturria

Eusko Jaurlaritza. Hizkuntza Politikarako Sailburuordetza

Iturriaren ezaugarriak

Apirilaren 15eko 86/1997 Dekretuaren bitartez Euskal Autonomia Erkidegoko herri administrazioetan euskararen erabilera normalizatzeko prozesua arautu zen. Dekretu horren arabera, erakunde bakoitzak euskararen erabilera normalizatzeko plana onartu eta gauzatu behar zuen.

Honako hauek dira euskararen erabilera normalizatzeko plana onartu eta gauzatu behar duten erakundeak: udalak, mankomunitate, kuadrilla eta partzuergoak, foru aldundiak eta batzar nagusiak, Eusko Jaurlaritza eta bere erakunde autonomiadunak, Eusko Legebiltzarra eta Arartekoa, Euskal Herriko Unibertsitatea, Herri Kontuen Euskal Epaitegia, Lan Harremanen Kontseilua, Datuak Babesteko Euskal Bulegoa, Garapenerako Lankidetzaren Euskal Agentzia, Etxepare Euskal Institutua, Haurreskolak Partzuergoa eta Uraren Euskal Agentzia.

	Edukiak hobeto ulertzen laguntzeko, hainbat kontzepturen inguruko azalpena emango da: • Hizkuntza-eskakizuna (HE): hizkuntza eskakizunak lanpostua betetzeko eta bertan lan egiteko beharrezkoa den euskarazko gaitasun-maila zehazten du, Euskal Funtzio Publikoari buruzko uztailaren 6ko 6/1989 Legearen 97.2 artikulua adierazten duen bezala. Lau dira lanpostuei izendatu zaizkien hizkuntza eskakizunak: 1. HE, 2. HE, 3. HE eta 4. HE (86/1997 Dekretuaren 13.2 artikuluan arautzen da). • Derrigortasun-data (DD): derrigortasun-datak zehazten du lanpostu bati ezarritako hizkuntza-eskakizuna noiztik aurrera bete behar den, hots, aginduzkoa izaten noiz hasten den. Derrigortasun-data igarotakoan, lanpostu hori betetzeko ezinbestekoa izango da lanpostu horri dagokion hizkuntza-eskakizuna egiaztatua izatea. • Derrigortasun-indizea (DI): plangintzaldi bakoitzean, nahitaez bete beharreko indizeak zehazten du erakunde bakoitzeko zenbat lanposturi esleitu behar zaion derrigortasun-data (apirilaren 15eko 86/1997 Dekretuak 11. Artikulua). Indize hori finkatzeko, kontuan hartzen da herri administrazio bakoitzari dagokion jarduera-esparruko egoera soziolinguistikoa (udalen kasuan udalerria izango da jarduera esparrua, foru aldundienean, berriz, lurralde historikoa...). Horretarako, «euskaldunak+(ia euskaldunak/2)» formula erabili behar da, eta plangintzaldi bakoitza hasten denerako indarrean dagoen Errolda edo Biztanleria eta Etxebizitza Estatistikan jasotako azken datuak erabiliko dira. Derrigortasun-indizearen arabera, erakundeak lau multzotan sailkatu dira: % 0-25, % 25-45, %45-70 eta % 70-100. Sailkapen hori 86/1997 Dekretuko 17. artikuluan arautzen da, eta multzo bakoitzean kokaturiko erakundeek lortu beharreko gutxieneko helburuak ezartzen ditu.
Lehen datua eta maiztasuna	Lehen datua: 2012koa da, eta azkena 2017koa. Maiztasuna: Bi edo hiru urterik behin berrituko da.
Informazio osagarria	
Argitalpenak eta txostenak	Apirilaren 15eko 86/1997 Dekretua, Euskal Autonomia Erkidegoko herri-administrazioetan euskararen erabilera normalizatzeko prozesua arautzen duena: https://www.euskadi.eus/y22-bopv/es/p43aBOPVWebWar/VerParalelo.do?cd1997001956 Eusko Jaurlaritzan euskararen erabilera normalizatzeko irizpide orokorrak eta plan nagusia: VI. plangintzaldia (2018-2022): http://www.euskadi.eus/eusko-jaurilaritza/-/liburua/eusko-jaurilaritzan-euskararen-erabilera-normalizatzeko-irizpide-orokorrak-eta-plan-nagusia-vi-plangintzaldia-2018-2022/